



**Arnoldi Corvini â Belderen, Batavi, Jcti quondam
Consummatissimi, Consilarii Electoralis & Professoris
Moguntini Publici, &c. Tractatus Geminus De Personis
Atque Beneficiis Ecclesiasticis Sive ...**

opus posthumum, diu desideratum, nunc demum excusum, & indice
locupletissimo instructum

De personis ecclesiasticis

Corvinus van Beldern, Arnold

Francofurti ad Moenum, 1708

VD18 10184902

De Translatione. Tit 12

[urn:nbn:de:hbz:466:1-62002](https://nbn-resolving.org/urn:nbn:de:hbz:466:1-62002)

TITULUS XII.

De Translatione.

SUMMARI A.

- | | |
|--|---|
| 1. <i>Translatio quid?</i> | <i>Translatio.</i> |
| 2. <i>Ejus qua requisita?</i> | 7. <i>Cur eam concedere possit Papa.</i> |
| 3. <i>Persona ad transferendum qua apta.</i> | 8. <i>An ad eam cogi possit Episcopus.</i> |
| 4. <i>Causa translationis qua: Qualis?</i> | 9. <i>Quando per eam à veteri Ecclesia liberetur.</i> |
| 5. <i>Veterum Translationum exempla.</i> | 10. <i>An suam repetere possit.</i> |
| 6. <i>Cujus auctoritate fiat</i> | |

VT Archi-Episcopi, licet confirmati & consecrati, extinguuntur potestas, si Pallium non accipiat; ita & Episcopi, per Translationem, Renuntiationem, & Depositionem, seu, Degradationem.

Est Translatio, seu, Mutatio, can. mutationes. 35. caus. 7. qu. 1. nihil aliud, quàm vinculi, quo Episcopus cum priore Ecclesia erat junctus, dissolutio, & ad alteram Ecclesiam transitio. c. in causis. 30. in fin. de elect. c. 2. in fin. de postulat. Pralat. vel ut definit Balzamon. ad can. 15. Concil. Nic. de dicecesi in dicecesin transductio.

In ea consideranda sunt duo: Nempe Eius Requisite & Effectus.

Requisite sunt tria: 1. *Persona transferenda ut sit habilis*: 2. *Causa transferendi ut sit justa*; 3. *Persona qua transfertur, ad transferendum ut sit apta*.

Persona transferenda hic est Episcopus: Licet & alii superioris, c. dilectus. de prebend. c. bone. 4. de postul. pralat. & inferioris gradus Sacerdotes, vel alii Clerici possint, sed hi cum concessione suorum Episcoporum,

R 3 rum,

Corvinus
De Personis
Ecclesiarum

G IV
32

rum, ad alias transfirare Ecclesias. *can. 37. Episcopus. 7. qu. 1. c. admonet. 4. de renuntiat.*

Monachis ad alia monasteria transire non licet, nisi strictioris religionis obtentu. *cap. licet. 18. de regular. & transeunt. ad relig. Quae de re infra.*

4 *Causa translationis, est communis utilitas atque necessitas. c. quanto. 3. vers. non enim homo. hic. d. c. mutationes. & can. scias. 35. caus. 7. qu. 1.*

Quamvis enim olim quidem à Sanctis Patribus tradita fuit regula, quod non liceat Episcopo relinquere Ecclesiam suam, & transire ad aliam. *can. Episcopus. 25. d. caus. & qu. Ratio est, quod unusquisque secundum vocem Apostolicam in 1. ad Corinth. 7. manere debeat, in quo est vocatus: can. Clericus. 1. caus. 21. qu. 1. cap. quanto. 3. vers. quia verò. hic.* Et sicut iusti matrimonii vinculum inter virum & uxorem non solvitur; ita neque spirituale foedus conjugii inter Episcopum & Ecclesiam dirimitur. *c. licet. hic. can. sicut. 7. qu. 1. Episcopus enim Ecclesiae sua sponsus est; quod utique perhibent & annulus desponsationis, & virga commissionis; ut ait Petrus Damiani in epist. C. lib. 1. D. Hieronymus in epist. 83. ad Oceanum; inquit; In Nicena quoque Synodo à Patribus est decretum, ne de alia ad aliam Ecclesiam Episcopus transferatur, ne virginis pauperula societate contempta, ditioris adultera quarat amplexus.*

Ea tamen procedit, nisi aliud suadeat utilitas aut necessitatis ratio, quae, ut diximus, iustam translationi praebet causam. *d. c. mutationes. cum seq. Ut puta propter hostiles incursiones iure fit translatio; can. temporis. 7. quest. 1. (quibus tamen cessantibus ad priorem locum redire debet Episcopus: can. in apibus. 41. in fin. can. pastoralis. 42. d. c. 7. qu. 1.)* vel si vir praecipua doctrina & eloquentia in aliam transferatur Ecclesiam, cuius Episcopus plebi docendae minus sit idoneus: vel etiam adducatur ob religionis & pietatis cultum in periculum. Atque ita B. Gregorius Nazianzenus ab Hasiis translatus est Constantinopolim. *Zonaras & Balsamon ad d. can. 15.* Imò D. Petrus Apostolorum Princeps primò possedit Cathedram Episcopatus in Antiochia, & propter utilitatem est translatus Romam. *Anastasio in Petro & d. can. mutationes.*

Trans-

Translatio primò fiebat Episcoporum decreto, *can. Episcopus. d. 6*
qu. 1. Postea, placuit ut Pontificis accederet auctoritas. *c. 1. 2. 3. hic.*
 Quia licet Episcopus electus pro arbitrio renuntiare possit juri suo; *c. in*
presentia. de renuntiar. nec ab initio quis invitus cogatur acceptare Epi-
scopatam; can. gesta. can. ubi ista. dist. 74. tamen postquam confirma-
 tus vel consecratus est; non potest auctoritate propria; propriam dese-
 rere Ecclesiam, & se transferre ad aliam: *c. 2. 3. & ult. hic.* adeò ut si
 contrafecerit, priveretur utraque. *d. c. 3.* Ratio est, tum quia causa ma-
 jores, cujusmodi est Episcopi translatio; & alia; *certis versibus à Glossa*
inc. inter corporalia. 2. hic comprehensa, referenda sint ad Apostolicam
 Sedem: tum quia inter Episcopum sive Prælatum & Ecclesiam quod-
 dam initiatur per electionem, ratificatur per confirmationem, consum-
 matur per consecrationem spirituale matrimonium: *d. c. ult.* ac proin-
 de solvi potest, & ad Ecclesiam aliam transferri Episcopus solius aucto-
 ritate Pontificis; *d. c. 2. & 3.* quia quod conjunxit Deus, non separet
 homo; *d. c. ult.* Ergo, qui Christi vices gerit in terris: *d. c. 3. vers. qui*
non puri hominis. & d. c. ult.

Indulgentia verò *Ejus strictè est servanda;* ut si ad majorem prio-
 re dignitatem transitum concessit, non auxiliatur transire cupienti ad
 parem. *c. ult. hic. & ibi Gloss.*

Sed quæret fortassè quis; Cur *Papa* magis dissolvere possit hoc
 matrimonium spirituale, consummatum, quam carnale consumma-
 tum? Ratio est; Quia hoc introduxit Christus ad significandam Chri-
 sti cum Ecclesia indissolubilem per carnem assumptam unionem; &
 proinde omnimodam habet ratione hujus significationis indissolubili-
 tatem: Illud verò, etiam consummatum per consecrationem, non ha-
 bet hanc significationem; ut nec matrimonium carnale ratum & non
 consummatum; quod proinde per religionis ingressum dissolvi potest;
ut dicitur postea. Valleng. in par. hic. num. 3.

Quo pacto ergo dicit Innoc. *inc. inter corporalia. 2. hic.* vinculum
 matrimonii spiritualis esse fortius vinculo carnalis? Respondeo. Non
 dicit esse fortius respectu omnimodæ indissolubilitatis; quandoqui-
 dem modis dissolvitur variis; sed quoad respectus alios; veluti quia
 per matrimonium spirituale solvi potest carnale; & spirituale ad se tra-
 hit

Corvinus
 De Personis
 De Ecclesiis

G IV
 32

hit carnale, non è contra. Nam, *ut dictum*, matrimonium carnale ratum, non consummatum, dissolvitur per religionis ingressum, etiam invito altero: *c. publico. de convers. conjug.* & post matrimonium carnale, etiam consummatum, mutuo consensu possunt conjuges profiteri religionem: *ut dicitur postea*: è contra verò matrimonium spirituale non dissolvitur per carnale, nec semel religionem professi, possunt postmodum matrimonium contrahere carnale. Accedit quod spirituale operetur fortius, propter characterem quem imprimit, quique post mortem durat: cum interim carnale morte dissolvatur. *Vallenf. d. l. co. Zaf. in comment. ibid. num. 3.*

8 Dubitatur, an *Episcopus* possit *transferri invitus*? Quod videtur respondendum per *can. pen. & ult. 9. qu. 13.* Quò facit obedientiæ promissio, quã Romano se obstringunt Pontifici Episcopi. Facit & textus in *c. queris à nobis. 6. de atat. & qual. ordinand.* ubi, qui ad altiorem ordinem noluit ascendere, Ecclesiæ ita postulante utilitate, compellendus dicitur per bonorum amissionem & beneficiorum subtractionem. *Goffred. in sum. hic. num. 4. & ibid. Hostiens. num. 6.* Loca repugnantia in *can. 1. & 2. dist. 74.* sunt accipienda in casu eo, quo vel non urget Ecclesiæ necessitas, vel de laico non ordinando invito. *Abbas in c. questum. 6. de ver. permut.*

9 *Translatione concessa* Episcopus ab Ecclesia, cui adstrictus, non post adeptam, ut quidam volunt, secundam possessionem, sed statim abique alio consensu per absolutionem liberatur; *Rota decis. 475. p. 1. recent. Massobr. in sua praxi habendi concursum. requis. 1. Barbos. jur. Eccles. Univ. lib. 1. cap. 19. num. 37.* facultas transeundi per literas dimissorias conceditur, & Pallium ad nomen & usum ejusdem Ecclesiæ, si Translati hoc nequirat dignitas, transmittitur. *c. bonæ memoriæ. 2. S. fin. c. gratum. in fin. de postul. c. in causis. 30. de elect.*

10 *Translatus* novam consequitur Ecclesiam, perinde ac si ad eam electus esset, ac confirmatus *priorem repetere non potest*, nihilque post translationem cum ea habet commune. *can. eos. 7. qu. 1. cap. quod in dubiis. de renunc. can. si quis jam. 3. caus. 21. qu. 2.* Quia definit esse illius Ecclesiæ Episcopus, à qua est translatus. *can. in optibus. 41. vers. translatus enim. caus. 7. qu. 1.*

Quitamen effectus locum habet in translatione utilitatis communis gratia facta; nam ea propter necessitatem facta, cessante hostilitate ad priorem Ecclesiam redire debet. d. can. in apibus. 41. in fin. c. pastora- tis. 7. qu. 1.

TITULUS XIII
De Renunciatione.

SUMMARI A.

- | | |
|---|---|
| 1. Renunciatio quid. | 12. Quotuplex. |
| 2. Ejus substantia, ut à Superioriore admittatur. | 13. Quomodo differunt. |
| 3. An semper. | 14. Renunciatio sub conditione danda pensionis est Simoniaca. |
| 4. Quis Superior. | 15. In favorem certa persona an fieri possit. |
| 5. Quae ejus partes. | 16. Resignans conditionaliter an amittat beneficium. |
| 6. An per renunciationem admissam vacet beneficium. | 17. Quae beneficia renuntiari possint. |
| 7. De consensu Superioris; an per Procuratorem prestari potest. | 18. Qui possint resignare. |
| 8. An curam animarum habens ingredi potest resignationem. | 19. Quae justa causa resignationis. |
| 9. Renunciatio quotuplex. | 20. Quae non. |
| 10. Quae tacita. | 21. Qualis debeat esse resignationis. |
| 11. Quae expressa. | 22. Quis |

Corvinus
De Personis
Benef. Ecclesiarum
G IV
32